

الكاثوليكون

يوحنا الثانية

الحفاظ على الحق

الحق في حياتنا .. نحافظ عليه من خلال الثبات على الإيمان الصحيح بربنا يسوع ... و من خلال محبتنا لبه و لبعض كما أحبنا هو

طبعاً الملخص ده لا يغني أبداً عن الوعظ و التأملات العميقة في كلام الكتاب المقدس ... دي محاولة بسيطة لتقديم ملخص بسيط للأسفار



عن الرسالة

عدد الإصحاحات: 1

ظروف الكتابة: ?

- كاتب الرسالة هو القديس يوحنا الحبيب (ابن زبدي) في أواخر القرن الأول الميلادي
- ساعتها كانت طلعت بدع كثير و انشقاقات في الكنيسة و بدأ ناس ينكروا لاهوت السيد المسيح

👉 السفر موجّه لمين؟

- السفر ده هو الوحيد في الكتاب المقدس الموجّه لسيدة
- السيدة دي واضح إنها خادمة و أم رائعة ... مش مذكور مكانها فين
- السيدة المختارة دي بترمز للكنيسة في كل زمان و مكان

📧 هدف السفر:

التحذير من المعلمين الكذبة اللي أنكروا السيد المسيح

ملخص الرسالة



آية 1 ل 4 تحية من القديس يوحنا لكيرية و أولادها ... و واضح إنهم محبوبين من الكنيسة كلها و مشهورين

الشيخ، إلى كيرية المختارة، و إلى أولادها الذين أنا أحبهم بالحق، و لست أنا فقط، بل أيضاً جميع الذين قد عرفوا الحق

— يوحنا الثانية 1 : 3



آية 5 و 6 وصية المحبة العاملة ... نحب الله بأن نحفظ وصاياه ... و الفكرة دي موحودة في [الرسالة الأولى](#)

بتفاصيل أكثر

و هذه هي المحبة: أن نسلك بحسب وصاياه. هذه هي الوصية: كما سمعتم من البدء أن تسلكوا فيها

— يوحنا الثانية 1 : 6



آية 7 ل 11 تحذير من المضللين ... المعلمين الكذبة اللي بيتظاهروا إنهم بيتكلموا كلام ربنا بينما هم بينكروا السيد المسيح ... الناس دي بتحاول تنشر أفكارها الكاذبة وسط المسيحيين و رد معلّمنا يوحنا واضح: ارفضوا تماماً إن الناس دي تعلّم

كل من تعدّى و لم يثبت في تعليم المسيح فليس له الله. و من يثبت في تعليم المسيح فهذا له الآب و الابن جميعاً. إن كان أحد يأتيكم، و لا يجيء بهذا التعليم، فلا تقبلوه في البيت، و لا تقولوا له سلام. لأن من يسلم عليه يشترك في أعماله الشريرة.

— يوحنا الثانية 1 : 9 ل 11

طبعاً يتفهم من الكلام إن المعلمين دول مكانوش بيعلموا في الكنيسة ... أو إن مكانش فيه كنيسة بيتجمع فيها المسيحيين في المكان ده، بل بيصلّوا في البيوت



آية 12 و 13 تحية ختامية ... و الآية اللي جاية بعض المفسرين قالوا إن القديس يوحنا ساعتها كمان كتب الرسالة لكنيسة مش لسيدة بعينها

يسلم عليك أولاد أختك المختارة

— يوحنا الثانية 1 : 13

الأولاد دول هم أولاد كنيسة أفسس اللي كان راعيها هو القديس يوحنا

المراجع الرئيسية

- موقع [The Bible Project](#)
- وعظات أبونا داود لمعي من [برنامج فتشوا الكتب](#) أو من [المكتبة الصوتية على موقع كنيسة مارمرقس](#)
- موقع [القديس تكلهيمانوت](#)